

## КОММУНИСТ № 11, 1966

Ամսագիրը բացվում է «Հնգամյակի սոցիալ-քաղաքական պրոբլեմները» առաջնորդողով: Նոր հնգամյակում, նշված է այնտեղ, տնտեսական և գիտա-տեխնիկական խոշոր խնդիրների հետ միասին, պետք է իրականացվեն սոցիալ-քաղաքական կարևոր պրոբլեմներ՝ քաղաքի և գյուղի, մտավոր և ֆիզիկական աշխատանքի միջև եղած էական տարբերությունների հաղթահարում, բանվոր դասակարգի, կուտնտեսային գյուղացիության և մտավորականության միջև եղած սոցիալական սահմանների վերացում:

«Քաղաքը և գյուղը» խորագրի տակ տպագրված են Պ. Իգնատովսկու «Սովետական բանվոր դասակարգը», Ի. Բոդյուլի «Քաղաքի և գյուղի միջև եղած էական տարբերությունների հաղթահարման մասին», Ա. Բաշուրինի «Տնտեսական ռեֆորմի ակտուալ պրոբլեմները», Վ. Գոլիկովի «ՍՄԿԿ Կենտկոմի մարտյան պլենումի որոշումները գործողության մեջ» հոդվածները:

## Вопросы ИСТОРИИ КПСС

№ 7, 1966

Ամսագիրը ունի «Հոդվածներ», «Դեպի մեծ հոկտեմբերի 50-ամյակը», «ՍՄԿԿ պատմության բուրժուական կեղծարարների դեմ», «Հաղորդումներ», «Փաստաթղթեր և նյութեր», «Կոնսուլտացիա», «Նամակներ և թղթակցություններ», «Մարդիկ, իրադարձություններ, փաստեր», «Հիշողություններ», «Պատմագրություն և աղբյուրագիտություն», «Քննադատություն և գրախոսություն», «Գիտական կյանք» բաժինները:

Ն. Ա. Բարսուկովը, Ս. Ռ. Շայդուլինը և Ի. Ն. Յուդինը իրենց «ՍՄԿԿ-ն ինտերնացիոնալ կուսակցություն է» հոդվածում բազմաթիվ փաստերի և մարքսիզմի կլասիկների աշխատությունների հիման վրա բացահայտում են ՍՄԿԿ ինտերնացիոնալ բնույթը: Հոդվածագիրները նշում են, որ ինտերնացիոնալիզմը, հանդիսանալով բանվոր դասակարգի անբաժան բովանդակությունը, համարվում է նրա մարքս-լենինյան կուսակցության կյանքի և գործունեության կարևորագույն սկզբունքը: ՍՄԿԿ-ի շարքերում են գտնվում մեր երկրի 131 ազգերի և ժողովուրդների լավազույն զավակները: Հոդվածում բազմաթիվ փաստեր են բերված Սովետական Միության ազգային հանրապետություններում, մարզերում, երկրամասերում բանվոր դասակարգի, կուսակցության շարքերի աճի մասին:

Սոցիալիստական շինարարության ընթացքում, միութենական և ինքնավար հանրապետությունների, ինքնավար մարզերի և ազգային օկրուգների ստեղծման հետ աճեցին կուսակցական կազմակերպությունները այդ շրջաններում, որոնց հիմնական կորիզը կազմեցին տեղի ազգությունների ներկայացուցիչները: Բավական է ասել, որ 1937 թ. Հայաստանի կոմունիստական կուսակցության շարքերում եղած 19 հազար 235 կոմունիստներից 17 հազար 280-ը հայեր էին, կամ 89,9%-ը, Վրաստանում՝ 66,7, Ուկրաինայում՝ 57,1, Բելոռուսիայում՝ 53,3, Ադրբեջանում՝ 44,1 տոկոսը և այլն:

1964 թ. ՍՄԿԿ անդամության թեկնածու ընդունվածների մեջ բնիկ ազգությունների ներկայացուցիչների թիվը կազմում էր՝ Հայաստանում — 91,8 տոկոս, Բելոռուսիայում — 78,6, Վրաստանում — 78,2, Լիտվայում — 76,1, Ադրբեջանում — 74,4 տոկոս և այլն:

## ВОПРОСЫ ФИЛОСОФИИ № 6 и № 7, 1966

Ամսագրի 6-րդ համարը սկսվում է Յու. Ի. Պալկինի «Նյութական և բարոյական ազդակների գույակցումը աշխատանքի նկատմամբ, «սոցիալիզմի ժամանակ» հոդվածով. որտեղ մանրամասն վերլուծված են սոցիալիստական

Հասարակարգում աշխատանքի նկատմամբ ազդականների բովանդակությունը և համագործակցությունը, աշխատանքի նկատմամբ նյութական և բարոյական ազդականների զուգակցման մի քանի սկզբունքները և հատկանիշները, նյութական և բարոյական ազդականների դերի հարաբերակցումը կոմունիստական շինարարության ժամանակակից էտապում հարցերը:

Հետաքրքրություն են ներկայացնում ամսադրում տպագրված Ի. Վ. Դուդինսկու «Համաշխարհային սոցիալիստական սիստեմում ազգային և ինտերնացիոնալի զուգակցման մասին», Ա. Կ. Կուրիլևի և Գ. Մ. Շտրակսի «Մարքսիստական փիլիսոփայությունը և գիտական կոմունիզմը», Ն. Պ. Դուբինինի «Ի. Վ. Միչուրինը և ժամանակակից գենետիկան», Ա. Վ. Շուրնիկովի «Դրական և բացասական թվերի իրավահավասարությունը», Զոն Լյուիսի (Անգլիա) «Արևմուտքի փիլիսոփայական միտքը մարքսիզմի էպոխայում» և այլ հոդվածներ:

Ամսադրի 7-րդ համարը բացվում է Գ. Օ. Զիմանասի «Սոցիալիստական ազգերի մերձեցման պրոցեսի էության մասին» հոդվածով: Հեղինակը մանրամասն կանգ է առնում սոցիալիստա-

կան ազգերի մերձեցման պրոցեսի վրա: Նա այդ պրոցեսի կարևորագույն լծակներն է համարում արտադրական ուժերի զարգացումը կապված կոմունիստական հասարակական հարաբերությունների հաստատման հետ, ժողովրդի կենսամակարդակի բարձրացումը:

Պ. Ե. Կրյաժնի «Անձի ձևավորման մի քանի սոցիոլոգիական հարցեր» հոդվածում մանրամասն վերլուծվում են այնպիսի պրոբլեմային հարցեր, ինչպիսիք են՝ մարդը, անհատը, անձը, անձի պրոբլեմի սոցիոլոգիական կողմը, հասարակության մեջ անձի հաղորդակցման և զոդման դիալեկտիկական, անձը որպես իր սոցիալական էությունը մարդկային անհատականությունը յուրացնելու շափ և այլն:

Հետաքրքրություն են ներկայացնում նաև Ա. Մ. Նրյումինի «Արտադրական կապերը սոցիալիստական հասարակարգում», Ա. Ռ. Լուրիայի «Բարձր հոգեկան ֆունկցիաների զարգացման տեսությունը սովետական հոգեբանության մեջ», Լ. Ա. Կոզանի «Մարքսիստական փիլիսոփայության կառուցվածքի մասին», Վլադիսլավ Կրաեվսկու (Լեհաստան) «Պատճառական կապի հինգ հասկացողություն» և այլ հոդվածներ: